

0.0.1 yavakalāpīsuttam

1. seyyathāpi bhikkhave yavakalāpī cātummahāpathe nikkhittā assa. atha cha purisā āgaccheyyum vyābhaṅgihatthā. ne te yavakalāpiṃ chahi vyābhaṅgihi haneyyum. evaṃ hi sā bhikkhave yavakalāpī suhatā assa chahi vyābhaṅgihi haññamānā. atha sattamo puriso āgaccheyya vyābhaṅgihattho. so taṃ yavakalāpiṃ sattamāya vyābhaṅgiyā haneyya. evaṃ hi sā bhikkhave yavakalāpī suhatatarā assa sattamāya vyābhaṅgiyā haññamānā.

2. evameva kho bhikkhave assutavā puthujjano cak-khusmiṃ haññati manāpāmanāpehi rūpehi, sotasmim haññati manāpāmanāpehi saddehi, ghānasmim haññati manāpāmanāpehi gandhehi, jivhāya haññati manāpāmanāpehi rasehi, kāyasmim haññati manāpāmanāpehi phoṭṭhabbehi, manasmim haññati manāpāmanāpehi dhammehi. sace so bhikkhave assutavā puthujjano āyatim punabbhavāya ceteti evaṃ hi so bhikkhave moghapuriso suhatataro hoti, seyyathāpi bhikkhave sā yavakalāpī sattamāya vyābhaṅgiyā haññamānā.

3. bhūtapubbaṃ bhikkhave, devāsurasaṅgāmo samupabbūḷho ahosi. atha kho bhikkhave vepacitti asurindo asure āmantesi: “sace mārisā, devāsurasaṅgāme samupabbūḷhe, asurā jineyyum devā parājineyyum, yena naṃ¹ sakkaṃ devānamindaṃ kaṇṭhapañcamehi bandhanehi bandhitvā mama santike āneyyātha asurapu-

ranti". sakkopi kho bhikkhave devānamindo deve tāvatimse āmantesi: "sace mārisā devāsurasaṅgāme samupabbūhe devā jineyyuṃ asurā parājineyyuṃ, yena naṃ vepacittiṃ² asurindaṃ kaṇṭhapañcamehi bandhanehi bandhitvā mama santike āneyyātha sudhamma devasabhanti"³.

4. tasmim kho pana bhikkhave saṅgāme devā jiniṃsu asurā parājiniṃsu. atha kho bhikkhave devā tāvatimsā vepacittiṃ asurindaṃ kaṇṭhapañcamehi bandhanehi bandhitvā sakkassa devānamindassa santike ānesuṃ sudhammadevasabhaṃ.

5. tatra sudaṃ bhikkhave, vepacitti asurindo kaṇṭhapañcamehi bandhanehi baddho⁴ hoti. yadā kho bhikkhave, vepacittissa asurindassa evaṃ hoti; "dhammikā kho devā adhammikā asurā, idhevadānāhaṃ⁵ devapuram⁶ gacchāmi"^{ti}. atha kaṇṭhapañcamehi bandhanehi muttaṃ attānaṃ samanupassati, dibbehi pañcakāmaguṇehi samappito samaṅgībhūto paricāreti. yadā ca kho bhikkhave vepacittissa asurindassa evaṃ hoti: dhammikā kho asurā, adhammikā devā, tattheva dānāhaṃ asurapuram gamissāmi^{ti}, atha kaṇṭhapañcamehi bandhanehi baddhaṃ¹ attānaṃ samanupassati; dibbehi ca pañcakāmaguṇehi parihāyati.

6. evaṃ sukhumaṃ kho bhikkhave vepacittibandhanaṃ. tato sukhumataraṃ mārabandhanaṃ. mañña-māno bhikkhave, baddho² mārassa, amañña-māno mutto pāpimato.

7. asmīti bhikkhave maññitametaṃ, ayamahamasmīti maññitametaṃ, bhavissanti maññitametaṃ, na bhavissanti maññitametaṃ, rūpī bhavissanti maññitametaṃ, arūpī bhavissanti maññitametaṃ, saññī bhavissanti maññitametaṃ, asaññī bhavissanti maññitametaṃ, nevasaññīnāsaññī bhavissanti maññitametaṃ; maññitaṃ bhikkhave rogo, maññitaṃ gaṇḍo, maññitaṃ sallaṃ. tasmātiha bhikkhave amaññamānena cetasā viharissāmāti, evaṃ hi vo bhikkhave sikkhitabbam.

8. asmīti bhikkhave iñjitametaṃ, ayamahamasmīti iñjitametaṃ, bhavissanti iñjitametaṃ, na bhavissanti iñjitametaṃ, rūpī bhavissanti iñjitametaṃ, arūpī bhavissanti iñjitametaṃ, saññī bhavissanti iñjitametaṃ, asaññī bhavissanti iñjitametaṃ, nevasaññīnāsaññī bhavissanti iñjitametaṃ. iñjitaṃ bhikkhave rogo, iñjitaṃ gaṇḍo, iñjitaṃ sallaṃ. tasmātiha bhikkhave aniñjamānena cetasā viharissāmāti, evaṃ hi vo bhikkhave sikkhitabbam.

9. asmīti bhikkhave phanditametaṃ, ayamahamasmīti phanditametaṃ, bhavissanti phanditametaṃ, na bhavissanti phanditametaṃ, rūpī bhavissanti phanditametaṃ, arūpī bhavissanti phanditametaṃ, saññī bhavissanti phanditametaṃ, asaññī bhavissanti phanditametaṃ, nevasaññīnāsaññī bhavissanti phanditametaṃ; phanditaṃ bhikkhave rogo, phanditaṃ gaṇḍo, phanditaṃ sallaṃ. tasmātiha bhikkhave aphanamānena cetasā viharissāmāti evaṃ hi vo bhikkhave sikkhitabbam.

10. asmīti¹ bhikkhave papañcitametam, ayamahama-smīti papañcitametam bhavissanti papañcitametam na bhavissanti papañcitametam, rūpī bhavissanti papañcitametam, arūpī bhavissanti papañcitametam, saññī bhavissanti papañcitametam, asaññī bhavissanti papañcitametam, nevasaññīnāsaññī bhavissanti papañcitametam, papañcitam bhikkhave rogo, papañcitam gaṇḍo, papañcitam sallam. tasmātiha bhikkhave nip-papañcārāmena cetasā viharissāmāti, evaṃ hi vo bhikkhave sikkhitabbaṃ.

11. asmīti¹ bhikkhave mānagatametam, ayamahama-smīti mānagatametam, bhavissanti mānagatametam, na bhavissanti mānagatametam, rūpī bhavissanti mānagatametam, arūpī bhavissanti mānagatametam, saññī bhavissanti mānagatametam, asaññī bhavissanti mānagatametam, nevasaññī nāsaññī bhavissanti mānagatametam. mānagatametam bhikkhave rogo, mānagatametam gaṇḍo, mānagatametam sallam. tasmātiha bhikkhave, nihamānena cetasā viharissāmāti, evaṃ hi vo bhikkhave sikkhitabbanti.